

Erläuterung.

Die ist zwar die Liebe ein sehnliches Liebe Verlangen und herzliches wolgefälliges Verubien in der verlangeten und begehrten Schönheit / und kan sich nicht ehender zu frieden geben / biß sie daß Geliebte würcklich erlanget und genießet / eine solche Bewegung des Gemüths ist die Liebe? So leicht aber als diese Bewegung in unserm Gemüthe entstehet / so leicht sie auch wieder vergehet / sonderlich wo die Ursach solches Begehrens / Verlangens und Verliebens / nicht wol gegründet ist in der Tugend / Gerechtigkeit / Keuschheit / Zucht und Erbarkeit / sondern nur zum Grund / Ursach unnd Gegenwurff hat die Geilheit unnd verdampfte Unzucht / solch wildes Feuer kan sich nun leichtlich entzünden / kan auch weit unnd sich fressen / und ruhet ein wilder unkeuscher Mensch nicht / er habe den ein Feuer angezündet an seinem Leibe / und dencket daß alle verborgene Wasser süsse sind / und daß das gestohlene Brod niedlich sey / aber es bringet endlich nichts den Herzeleid / denn es nur ein falsches Feuer und rechter Irrwisch ist / so lang die böse Lust wäret / so lange wäret solch Liebesfeuer unnd unkeusche Flammen auch / so bald aber die Lust / geküßet ist / so bald nimbt solche Liebe auch ein Ende / unnd wird dieses Feuer bald wieder gelöscht / ja vergehet wie ein außgebrandt und außgeblasen Licht / darumb in der Lieb wol acht zu geben auff die Ursach / auff das Fundament / und auff den Gegenwurff der Liebe / ist die Ursach redlich / das Fundament Ehelich / und der Gegenwurff erlaubet / so wird die Lieb beständig seyn unnd zum Guten außschlagen / unnd ist allererst eine recht Liebe zu nennen / ist aber die Ursach zu lieben unredlich / daß Fundament unrechtlich und unkeusch / der Gegenwurf in allen Rechten / zu lieben verbotten unnd unerlaubet / so kan solche falsche / böse und verbottene Liebe je keine Bestand haben / sondern muß nothwendig verfallen / und folget Reu und Schande darauf / es sey denn das etliche Unsinnige / weder Gottes / noch des Gewissens / noch der Gesetzen / ein noch der Erbarkeit achtē / derer Liebe billich keine

Pp

geord.